

邃懷堂詩集前編



邃懷堂詩集前編卷三

寶山 袁翼

廉

春起

小園春起早蝴蝶上階跌胃柳綠煙嫩蛙桃紅雨癘
名場仍輶轎鄉夢亦模糊檢點華年過數莖白髮廳

流手潭上夜歸

暝色四圍合山容無醜妍大星光替月遠水氣攙烟
市近知魚賤秋歸在雁先江南回首望小草意堪憐

花名望
江南

邃懷堂詩集

前編卷二

一

題觀察李海帆先生海上釣鼇圖卽呈徐辛庵

編修師

玉清一笑長庚謫來作人間釣鼇客滄溟濯足萬里
流手把芙蓉揖龍伯金鑿側帽帶宿醒壯懷汗漫騎
長鯨絲綸在握寓微意氣吞雲夢波爲平香鈞暗觸
珊瑚網日光刺碎玻璃聲畫師尺幅收壺嶠鑿空張
騫應未到蟠桃如斗青雀銜鋸齒嶠响王母嘯五嶽
眞形筆底皴十洲乳水杯中眺英雄事業卽神仙碁
溪釣罷嚴灘釣絳帷卻傍青雲開衣鉢眞傳曠世才

選樓北海增騷注學士東宮序玉臺索詩遠寄西清
院十指披圖薇露盟丹鯉之餌白玉竿烟痕溼罨湘
紋絹吾家茅屋近蒼濤斗北龍門百仞高抱琴欲趁
成連棹親看扶桑策六鼇

王秋坪先生招同伊少沂別駕夏秋薈沈夢塘
兩孝廉飲王氏園中少沂出其細君素三夫

紅蘭畫扇索題走成一律卽送少沂回汀

丹鳳城南手

欲分羈心已繞翠華雲連波才漫誇蘇

邃懷堂詩集

前編卷二

二

蕙素三夫人

大令書還學右軍

少沂爲墨卿先生哲嗣

袖裏花

牋蠶字細篋中純扇麝塵熏憑君寄餽珊瑚架乞寫
靈飛玉女文

揚州居士巷寓齋

攬鏡吳霜點鬢毛菜萸灣口記持螯張絃牋啓稱雄

伯何遜頭銜領法曹陽羨有田皆種秫廣陵無夢不

驚濤綠陰春老瓊花苑辜負當年杜牧豪

竹西亭外囀黃鶯春夢催回昔昔驚十里珠簾香霧

隔二分璧月酒船迎板橋舊雨同心話翰部班頭太

瘦生宋玉不招招鮑照詩魂爲我賦蕪城

楓橋夜泊

分明記得楓橋上十一年前聽晚鐘
熱客幾時拋襖襪空門無地養疎慵
烏啼月落句仍在拾得寒山僧
不逢隔岸叉魚星火閃溼雲如霧
寺門封

虞山雙劍石

不見一僧立惟餘萬木圍
珠光同穴孕劍氣夾城飛
雲合連黃海峰回抱翠微
當年魚腹恨默默斜暉

舟中雪夜柬劉孟眉印古琴

蘧懷堂詩集

前編卷二

三

一美住烟蘿仙心琢瑤玉
一美抱遺編古貌帶芬馥
安得惠然來山眉共餐綠
獨坐瞰江亭江妃怪我俗
題詩寄彼美昨夜雪沒屋

題 國初諸老送孫松坪先生出使朝鮮詩卷

徵書尺一下江瀕星使征軺獨
角鱗海外新藩箕子國
卷中遺老葛天民鴨江地
暖通元菟狴圍恩深
夢 紫宸杖左堂前喬木在
夜光恐是墨精神

題鶯閨春夢圖

慧業華鬢第一人秋波禪裏證蘭因
年來眉樣修成

史一炷旃檀禮黛神
鸚鵡金籠史鳳家
粉垣風細落桃花
紅絲繡得琴囊
好數點香痕唾碧紗

內家粧束紫綃衣
新自霓裳隊裏歸
寄語教坊諸女
伴好從雒水拜甄妃

玉屑搏肌尚未如
眞眞嬌影破瓜初
春心圍住葳蕤
鎖斜注星眸看道書

研硃鈎出貌芙蓉
身到蓬壺十二重
莫放黃鶯驚妾
睡清明烟雨夢吳淞

邃懷堂詩集

前編卷二

四

頻年秋思落江湖
划棹青溪訪小姑
羊祜何如銅雀
妓淚花空灑美人圖

秦淮水榭卽事示鮑子山徐戟門朱小園

漫愁紫玉化成烟
鳳縈鸞笈各一天
窗外南朝舊時
月杳孃管領十三年

衫子輕盈雪藕絲
傅生才調卞生姿
花瓷收得薔薇
露細碾丹砂注楚詞

謝郎作客路迢迢

謝郎作客路迢迢
鷓鴣蟀光陰付藥瓢
旅况不堪多寄

語半牀殘月隔樓簫
念家山與定風波日日聞歌喚奈何貪作湖州箋記
好緣陰如夢負心多

與風聞雁寄秋巖弟

倦翎猶帶蠡湖煙海國蘆花作絮天對酒正當風雨
急聯牀苦憶弟兄眼漁翁半夜過橋櫓寡女一聲裂
指絃我亦勞生難息影稻梁何處是畚田

過彭王廟

卽梁王彭越

楚漢相持際遊兵第一功羞爲兒女賣已失大王雄
邃懷堂詩集

前編卷三

五

赤帝神符熾青衣狹路窮馬塘祠宇在遺恨夕陽中

春曉

金篦梳罷髮絲絲啼鳥墻頭日上時一炷海沉簾不
捲細鈔杜牧嘆花詩

春夜

曉風涼透障蟬紗蛤粉墻圍水一涯記得徘徊尋夢
處小門殘月掩梨花

春睡

雪鸚初老架空懸中酒心情料峭天挨到海棠開過

了閉門十日學蠶眠

秋日同胡仙洲先生高子廉子琴印古琴湘霞

劉孟眉陳笛秋諸子過北庵訪鷺峰上人

值孟眉出家釀留飲庵中

天風吹我參空王海濤作咒聲琅琅老僧羯磨誦未
了櫻鞵桐帽遊何方升階惟見彌勒坐一星佛炬寒
無芒昔年花事盛秋菊初地七寶黃金裝釀錢互樹
酒徒幟十日五度攜壺觴席天曠地下以夜衣袂不
覺沾微霜邇來白龍少檀越僧雛菜色櫻厨荒精藍
遂懷堂詩集

前編卷二

六

功德欠圓滿丹霞樓閣空中望盛衰世事疾轉轂淨
土亦與相低昂煙畦一稜種菘韭鄰家縛稻來登場
劉郎勸我勿嘆息且呷一斗葡萄漿未來過去與現
在刹那石火無留光試請參寥轉一語窻外木樨香
未香

同印杏山留宿子廉花光雲影館

燕南趙北縱橫路驢背船唇黯淡情輸與花光雲影
館七年黃葉聽秋聲

梅花村追懷浦流槎先生

零落耆英會吾猶見老成梅花留手澤詩律鬪心兵
式穀門基荷升堂卍角情年年籬籊下香雪護佳城
過檀林追懷許三亭巖魚山兩先生

未座當年呼小友陽源今日髻星星蕭疎檀葉陰如

舊縹緲鸞乩地益靈已少印人摹籊繆魚山善印章細尋

蘇壁認丹青三亭善山水此閒俯仰經三世女堞西邊種

德亭先大父約亭公恆憩檀林與諸老結詩社

相逢各訝髻微霜我更征塵蹶驢驢負郭無田思捧

邃懷堂詩集

前編卷二

七

檄故人經歲未聯牀詞壇徵逐風憐目世事參差角

與張孝穆新詩平子賦郵筒那不寄琳瑯

崑山舟次憶昔年金氏寓樓裙屐之盛儻已十

年矣因簡王瘦山笏山吳克生三君

一角眉峰入壞墻隔樓佛日寺門黃東風舊夢尋花

埠細雨春愁壓鱗牀樂府金衣丁十索清談玉塵謝

諸郎鹿城銷盡鴻泥跡添得懷人字半囊

東來飽喫黃鶯筍西去安乘赤馬船今夜蓮花兜裏

吳門口號

宿半湖粉氣半湖煙

屋角葱男初入饌湖跌蛺蝶妹尚含沙珠蘭香上烏絲

髻嬌女隔簾喚買花

陳問渠見過信宿話舊得詩四十韻

覺師昔東來畫竹頗楚楚

雪舫法名覺堂

驚師住北庵天龍

演八部而我愛逃禪心燈印初祖日日謁祇園有如

赴粥鼓入門兩少年壁彩照梵宇錢生濯春柳

緣陳薌

子柄玉塵豪氣炙駁牛險韻鬥詩虎桑下已三宿蘭

言契千古乃悟緣與因妙義楞伽補踰年訪君家凍

邃懷堂詩集

前編卷三

八

潮縮申浦開甌坻泥封膾鯉析冰縷暫羈千里駕深

罄十日語朋儔况麈至捉醉不能拒蘅叟量蕉葉

蘅峰

丈小阮實大戶

緣薌

座中施吳興

尙虞丈

踐蘇指畫肚拍

浮如強秦視我國邾邾道子擅六法

擔霞丈

傳神在阿

堵圓光滅度佛開元寺廊廡贈我鶯溪絹牡丹日亭

午

曾寫牡丹橫幅見貽

緬懷扶風老荆關紹墨矩

迂齋老人

披幘畫

禪室一十七寒暑令子守遺縑點綴及蟲羽不圖贊

公房相逢皆舊雨言歸歲亦暮驪歌亂愁緒待詔愧

嚴徐驅車歷齊魯落日黃金臺駿骨在何許願爲負

霓鵬勿作飲河鼠詎知抱燕石幾遭接劍怒縮塵送
南轅卓帽臥東嶼平生講經濟慷慨徒自苦科第何
足榮所爭在出處聞者啞然笑叱爲腐儒腐大烹蘆
菹羹那識麒麟脯足音賁空谷三益喜重覩菹甕出
瓜壺筆厨具雞黍縱橫上下談忘形到爾汝觸屏什
僮僕傾學竭村酤挹君湖海氣淘我俗肝腑讀我窮
愁詩令君頭風愈夜深忽掀簾漫天雪花舞明當和
尖又再寄錢穆父

緣

寄懷施小園龐阿寶

邃懷堂詩集

前編卷二

九

海角盟心日黃裳最少年渴書奔腕底艷曲讀花前
詩酒分千古星河共一天桐君草木狀應補外臺牋
不見龐生久張星在絳河酒徒秋蝶散詩債亂山多
浪跡依蘭若窮愁伴藥窩屯田詞一卷付與雪兒歌
偶檢敝篋有無題四律殘缺不全撫今追昔補

湊成之

垂垂簾押泥湘紋邂逅衙城簇蝶裙繡被香圍雙鳥
麝鏡臺春懶一梳雲箏詞生翹腔新度酒量推排態
薄醺蘇小鄉親紅綫傳掃眉隊裏本超羣

柔荑捍撥滾琵琶喉底珍珠舌底花浪子悲秋猶有
我美人多病况無家綠熊香餅含風裊白蛤牕樞掩
日斜六尺牀茵苒席軟笙囊雙倚品團茶
瓊樽酌勸玉浮梁何處羸臺傍堦鄉稽首妙蓮離火
宅抽心弱草感春陽藥銚身世風前影粉撲年華畫
裏粧惆悵青聰容易別玉釵恩重奈疎狂

鐸風檣雨感難禁離玦虹橋直到今三五月圓青海
濶一雙玉睡碧烟深庭栽梔子同心樹籠蓄迦陵共
命禽他日相逢重問姓鬢絲如雪兩沈吟

邃懷堂詩集

前編卷三

十

章西巖表弟過邃懷堂小飲醉書

春星光閃草堂低痛飲眞拚醉似泥豪俠少年嘲畫
虎鮮新文字爽哀梨護禪未了當胸箭涉世誰邀刮
目鏡海國糟邱容我築爲君高唱白銅鞮

少眉兄確齋前紫牡丹盛開夜雨偶集賦呈一

鼠姑根渴索卽澆花事東皇厭白描看到子孫已三

世漫愁風雨妬今宵酥融香玉生紅纈酒暈檀肌綴
紫綃老屋百年檉桷蠹春來富貴十分饒

少侯姪秋闈報罷詩以慰之兼示諸弟

三代選舉風漢京沿未替光祿薦茂才公府辟掾吏
平津與江都對策擢高第東海兩韋生蒲韞進朝次
開寶重甲科猶以經史試賢良政治才歲一網沉滯
紹定分經房鉤元濫觴始糊名而易書帖括憑取棄
英雄旣入彀造物困神智士也薄雕蟲青雲未能致
當承痾僕蝸勿哂婆猴戲官板抱麻沙勁裝雜姿媚
秋賦混魚目春關委蟬蛻固哉劉方輩徒灑孤寒涕
吾姪糞心士卓識擣巨製一出別汝足再接鍛汝翅

邃懷堂詩集

前編卷二

十一

傾城嫁廝養良田逢惡歲習醫已折肱跼聖乃傷鼻
著書反離騷呵壁作唐字躑躅二十載霜華鬢邊翳
久嗟握隨珠終期拔趙幟末俗况衰隕舌耕拙生計
道南大小阮努力擷經藝勞薪灰復然鑊鄒淬仍厲
妙語冰雪文昌言河嶽氣榷楠不自媒大匠千里至
虛聲借巖阿實學裨時世萬一虬螳功於物涓埃濟
子占十年字我定三舍避臣叔本不癡次公毋乃醉
呻吟飢寒聲浩蕩滄溟勢仞聞日邊雲太史奏祥瑞

題崔青蚓杜鵑花鳥手卷

太學生員魯男子國亡走入破窯死于年望帝魂不
歸謝豹花開血痕紫鳴呼青蚓作畫如青藤墨骨飲
絹絹有稜意匠經營腕屈鐵薜荔山鬼來窺燈卷中
活色雙翎小帝女前身精衛鳥擲筆時聞歌哭聲故
鄉烽火東牟鳥君不見石城重建小南朝燕子呢喃
幕上巢一時粉本輕鴻毛龍友梅花蝶叟桃

自礪城歸淞口過孫叔薊寓齋徐小槎張竹堂
二君適至

入座團圍不速賓未邀明月已三人地當大海風濤

邃懷堂詩集

前編卷二

三

急交締暑年笑語真白蜜筒醪沾近市紅和甌飯出
比鄰分璋花事多銷鑠屋角餘醺獨殿春

宣德御用銅香爐歌

鳳凰山麓成化窯螭爪魚子束細腰宣廟銅彝四乳
足花邊蚰耳名爭標當年內苑寶藏火金身丈六迦
藍燒珊瑚珠貝雜三品大爐流汞鸚鵡膏丁妃出出
歐冶笑至尊手諭徵鳧桃黃白青白氣俱竭膽水灩
灩生砂苗胚胎百種奪天巧陰陽牝牡分凸凹紐跌
悉做宋瓷式戲金紋細摹唐朝編瀾乙苴復庚苴鏤

銀巽爻還離爻虎騰精氣斗間躍鳴噴香篆空中飄
椒親供奉碾龍腦貴人揩拭持鮫綃是時玉几正清
晏三楊白髮鹽梅調官家遞嬗十一帝赤眉賊火揚
炎颯蟋蟀御盆嘆瓦裂剔紅厥盒同罇拋金銅仙人
泣鉛淚辛銳居士疑山魍布棚攤子百錢購鷓鴣血
點胭脂嬌官哥粉地本鬆脆錫女姪液原堅牢我思
清馥建大醮此爐檀炷通絳霄故爾天公令鬼守輪
劫不逐紅羊消貧兒未見三代物五都睇目空相嘲
且補弇州不觚錄宣和圖譜重傳鈔

蓮懷堂詩集

前編卷三

十三

十二月臘日大雪學博章犀臺夫子招同孫丈
雪村喻丈佛香江鞠如章侃亭諸子會飲強
恕齋用聚星堂韻作詩先成卽席奉和

天憐老樹瘦無葉裝點千枝萬枝雪天憐頭腦大冬
烘攝入冰壺氣清絕開罌香透臘糟熟掃徑瓏鬆屐
齒折烟沈社鼓粥初送風颭簾鉤燭欲滅酥梅坼胎
猶冒凍玉龍掉尾不可掣酒腸芒角肩起粟心地光
明眼消纈齋寮十笏布淨域咳唾九天助談屑偉哉
造物恣游戲倏爾搏空已飄瞥今宵旗壘壓古人明

日江湖定傳說醉翁詩律銳莫當袖底老僧一寸鐵

原作

銅陵章謙存

天公作花不作葉萬古稱名惟有雪故知詩人嚴
禁體一切賸語所必絕前有歐蘇後諸子強爲效
顰心早折譬如微霰受陽光遠水遙岑半明滅無
奈好景逼人來不待開門眼先掣蒼松翠竹影交
橫梢梢盡作花紋纈欲出一語寫性靈謝家兒女
詞豈屑放下兵仗塵白戰掃盡蟲沙豁雙瞥冰鴻
雪爪今日事青緇白襪他年說騷壇賈勇鑄心兵

邃懷堂詩集

前編卷二

十四

慎勿錯鑄六州鐵

子夜續歌

莫化山頭石化石不同穴金鍼刺妾心飲妾心窩血
企喻歌

殘日下虎落前山十箭屯馬上黃鬚兒疑是賀六揮
輪刀度葱嶺織手磔殺羊爲歡虜彩面莫近小女王
阿夷與阿段生小不相猜如何湟中吏攜上望鄉臺

柳絮詞

一路風絮中送郎從此去郎作他鄉人絮作他鄉樹

絮花飛回復何時夢內時聞郎馬嘶

感事

入海渾河故道迷年年沙鹵接雲梯船高雉堞踰三
丈人與鼉宮爭一隄使者倉皇沉白璧老兵醺醺唱
黃雞淮南十萬人家夢風鶴驚魂似鼓鼙

山塘寓樓題壁

瓜皮艇子泊湖唇瑟瑟松風颭角巾小狎矮於臨水
閣遠山瘦過倚樓人花藏北里誰尋夢雨濕西潭記
餞春脫粉敗墻題字在使君十載隔音塵

壁閒有陳雲伯大令

邃懷堂詩集

前編卷二

五

句題

虎邱新霽由短簿祠至白公祠小憩用壁上州

字韻

眞娘墓上春風老短簿祠前宿雨收廿里雲光開竺
塢一湖花氣溼山樓青琴擲笛芙蓉檝紅袖捎簾翡
翠鈎如此僊鄉拋撇去黃沙匹馬向幽州

瓜步相逢行贈別張問秋

鈴語顛風揚子渡斗大孤城君肯住兩三星火是瓜
州好認前生錦囊句清河樂府擅才名絮影梨魂夢

不成畱得朝雲依紫鳳鈎來晴雪伴紅鸚塗松路近
西田屋卩角鷺辰照如玉虎阜春風載酒行鶴江夜
雨攆舟宿別離雁柱數華年遠寄菖蒲十樣牋吳市
簫聲燕市筑三千里外月同圓鳶肩火色終騰上讀
律讀書意跳盪幾度慈恩寺畔遊姓名不入孩兒榜
東里中年術業無飢鷹側翅避鵝鵝閒情更著郊居
賦繪事能添秋興圖阜帽黃塵衣短後我又北行瞻
馬首牢之坐嘯鎮南徐甲帳論文歲在酉聞道璇闈
尺素遙客牕情味轉無慘落花啼鳥過三月流水青

邃懷堂詩集

前編卷二

七

山弔六朝藕腸牽緒銜難吐鐵甕城頭咽鼉鼓頌洞
波濤爲我愁一軍銀鎧魚龍舞江聲直送到雷塘薺
樹回看京口檣何日清談逢郭象前途狂態笑袁半
團扇和錢伯瑜編修韻

縹得湘紋一尺紉迴文錦字寫團團懷中明月留圓
影夢裏秋風憶舊歡撲碎蕉茵驚睡蝶攜歸蓮帳欲
栖鸞越羅粉本琅玕柄畫箇詩翁宛轉看

燈檠和伯瑜韻

銷磨心事可憐生青史堆中一短檠爲惜秋蛾垂繡

箔誤驚飢鼠觸棋枰半牀夢醒懷人夜四壁風寒落
葉聲愁殺家貧江上女替誰掃室借餘明

僧鞵菊和伯瑜韻

消息東籬訪未曾半生行腳一枝藤拈花笑後成香
國踏月歸來有醉僧白露滿園微濺鞵黃金布地欲
傳燈柴桑擬結頭陀會脫屣紅塵悟大乘

櫻桃斜街卽事戲集温飛卿句示瞿麗生

且共劉郎一笑同尺書都在錦鱗中金風入樹千門
夜病眼逢春四壁空不見水雲應有夢自憐羈客尙

蓮懷堂詩集

前編卷二

七

飄蓬勸君莫惜金樽酒蠟燭猶殘一寸紅

鞏樹先春雪滿枝樹名從此號相思象牀寶帳無言
語月榭風亭繞曲池詞客有靈應識我謝郎諸弟得
新知與君便是鴛鴦侶影畔常教舞袖垂

掌中無力舞衣輕冰簟銀牀夢不成回日樓臺非甲
帳往年江海別元卿莫言自古皆如此知道無卽却
有情獨有袁宏正顛顛水流花落嘆浮生

昔年曾伴玉眞遊青瑣西南月似鈎隔竹見籠疑有
鶴畫屏無睡待牽牛若教猶作當時意還恐添爲異

日愁寂寞遊人寒食後一枝梅謝楚江頭
寓粉坊琉璃街與高闈岑員外夜話

街柝聲中歲欲除先生猶讀兩京書
摩空筆健留鸞掖借計人多比鯽魚
獄戒張湯辭鍛鍊詩宜李廣氣
麤疎公餘看奉慈帷饌我有衰親獨倚閭

谷 丁慶堂同年自官菜園移居觀音寺街同人置
酒餽之卽席一首

一車家具半瓶壘移近哀絲艷竹堆
玉倚葭枝驚我醜燈燃柑節索詩來
花階鸞帚誰仙骨酒國牛壇有
選懷堂詩集 前編卷二 六
霸才局設消寒須放達接羅倒載跨驢回

車 次陸銘軒九日黑窯厰登高韻

相逢誰是五陵豪燕市屠沽屬我曹
座有紅兒花尙俗歌翻白紵曲嫌高
生成風味同梅醉騙盡英雄此
棗饒差喜陸郎詩可讀鏡中忘卻鑷霜毛

何年陽羨買新塋蠶卜三眠穀再登
蛇足丹青人盡笑蔗竿伎倆我偏憎
悔拈棋局輸時子浪費蘭膏曙
後燈此地金源多逸事潞談絮絮亦無憑

詩腸酒膽兩麤豪依舊平原碌碌曹
漂水誰將桃梗

惜得風羣羨紙鳶高嘗來世味攢眉芥未了童心入
手飴纔到深秋天欲雪竹箱脫盡驢鬃毛

郭外蒹葭滿水陸陶然亭上幾回登眉圖樣好無深
淺骨董攤多任愛憎才辨未堪騰舌劍菩提還許乞
心燈空中蜃氣皆樓閣恐是危欄不可憑

同人集汪竺君舍人寓齋小飲次鐵生韻

剪燭春明話舊遊少年才氣壓吾儔離家客作依人
鳥和韻詩如集腋裘青史留名嫌寂寞黃金入手便
風流鹽車棧豆尋常事天馬縱橫未可囚

邃懷堂詩集

前編卷三

九

落落乾坤兩少遊論交千載渺難儔不平意氣摩旌
壘無限年華付筵裘鐵笛吹來燈影閃銀河吸入酒
杯流將軍聞道追回鵲雪滿天山夜縛囚

李瀛門比部移居舊簾子衙衙以詩餽之并示

心齋空令弟子喬國博

轆轤汲井便郇厨漸覺蕭閒遠市衢東眷舊鄰楊子
宅西山喜見米顛圖草堂夜雨吟花萼桐樹朝陽集
鳳雛賃屋長安如驛舍主人姓氏記來無

都一酒歌

前門外酒肆曰都一處者言仙人在其家釀
酒已五世矣屋中有沙龍當門高一尺剗平
則酒壞

中山仙人謫燕市釀酒能令萬人喜紛紛踏破鐵門
限祇覺沙龍脊高起長安城頭烏啞啞北風如刀割
雙耳氈帘掀入新篳香張吻饑涎不可止酒名廿四
標松牌苓白橙黃玫瑰紫酒傭熟識高陽徒羅列瓷
鍾滿漆凡是時肝胆森芒角渴飲鵝兒啞噫背一拳
椎碎黃鶴樓一口吸盡西江水酒星亂落襟袖前糟
遽懷堂詩集

前編卷二

三

氣如雲湧十指醉中忽聞仙人語仙言我醉亦無此
仰天大笑出門去白眼看他擊筑士
送鐵生南歸用前韻

黃梁未熟邯鄲市四十閒曹得亦喜看君童僕整行
裝方寸鄉愁五嶽起君身仙骨是葛洪我輩交遊薄
張耳豈無待詔金馬客花樣揣摩不能止十年讀書
了窮達萊衣色勝宮衣紫別意難傳綠綺琴贈賤狂
摩烏皮几桑乾河畔望江南二月香泥啄燕背好攜
兩袖春風歸吹縹吳淞一幅水男兒作健怕驪歌頓

使鋼腸柔繞指百年三萬六千場安得歡筵盡如此
憑君歸語諸故人慷慨我真燕趙士

獨坐藤笑書屋寄懷銘軒兼呈竺君先生

聚如燕雀賀大廈散如狐兔竄荒野電光石火刹那
間長安半是饑驅者蛛絲無意懸網羅柳絮紛紛自
縈惹歛手猶栽辣後薑到頭欲噉甜時蔗世間不遇
灌仲孺熱血一腔何處瀉落落意氣雪松折爍爍鏡
銅霜鬢怕京雒緇塵浣素衣食無魚兮出無馬婁東
諸子皆軼羣嶄然犀角是陸賈千言已夢腹吞篆八

邃懷堂詩集

前編卷二

三

韻俄成燭刻樺偏師直搗袁崧軍令我蹙韃拜塵下
春寒孤館足音少坐看鴉雛啄檐瓦忽憶鳴珂夜直
人鄭重邊機稟親寫擊檝誰推祖逖流請纓我詎終
軍亞昨夜盤雲黑如墨遙想天山雪未化安得棄此
三寸椎躩身萬里征鞍跨

夜雨同握齏齋侍御及哲嗣琴泉印川範圍三

君宿三山菴

一夜山中雨杪櫛萬葉聲泉從龍口瀉雲傍虎頭生
客路棉衣薄僧厨笋饌精跣趺禪榻上相對欲忘情

龍王堂

憑欄人笑語驚破白雲封試踏三生石來窺萬壑松
墻鈴疑放鴿經呪欲降龍啜茗徘徊處鄉心繞惠峰
香界寺興宗上人年八十有七與黼齋話舊余
作詩贈之并示三山庵眞修上人

松風吹冷法王筵來證清公杜撰禪頭白老僧話前
事三朝臨幸太平年

軟紅塵海久蹉跎莫怪豐干饒舌多八十七年彈指
過空山留得病維摩

遼懷堂詩集

前編卷二

三

寶珠洞絕頂望昆明湖

霞梯百級磴盤旋鸞鶴聲聞上界天雙闕 帝城雲
外樹一湖秋色雨中煙僧因蛻骨團尸在洞有珠光
舍利圓欲讀飛仙題壁句綠蘿深鎖翠微巔

祕魔崖題壁

盧師說法懸崖下龍解聽經石點頭柏子已隨飛錫
化桑乾無復夾山流四禪人結阿羅會三伏天藏太
古秋坐看蕭蕭楓葉雨一僧扶傘過前邱

憩慈壽寺

舍衛臺前埵三千九子鈴宮闈形管史菩薩妙蓮經
洗畢娛慈壽臨輒哭悼靈香雲吹不滅閣外數峰青

宮人斜雜感

承乾宮接翊坤宮滴碎愁魂是漏銅一代容華銷歇
後秋花猶作臂紗紅

掖庭傳詔選良家十隊牙牌列鬢鴉更向玉芝門外

跪九蓮菩薩上袈裟

冰嬉看罷飼狸貓仙醞雞缸九九宵底事提鈴羅襪

濕太平聲裏隔牆簫

邊懷堂詩集

前編卷三

三

熏籠斜倚內家粧夜半親添一餅香唾缺玉壺紅淚
盡六宮猶話葬同昌

玉魚銜冷受恩身青塚紅心草不春寒食高粱橋畔
路中官酌酒更無人

玉瘞花埋三百年犀釘爛斷出珠鈿鴉鉏不管胭脂

塚栽徧山薑一稜煙

官家宵旰罷承恩夢斷昭陽夜閉門一炬黃巾焚白

骨青霞女子更招魂

陰飈吹燼漆城燈石馬無聲立野塍環珮不歸山月

黑凍螢飛

長平墓上草如茵帝子殘碑訪未真賸有梨園天寶

曲當場猶演費宮人

二分明月照繁華當日蕪城是帝家填盡人間金粉

窟宮人斜與玉鉤斜

再過慈慧寺

白石橋東慈慧寺杏花時節記曾來西山一夕送涼

雨剔盡蜘蛛碣上苔

九日逸園賞菊用坡翁九日黃樓韻示黼齋

邃懷堂詩集

前編卷三

十四

異鄉佳節客無說鄉愁欲共花爭發小牕紙薄冷布

疎落葉聲乾蠟屐滑東籬秋色正嫵媚時有幽香染

羅韞黃酥對擘臍雙團紅玉勤斟酒百呷婆娑我輩

十日筵辛苦園丁一年鍤此花傲骨本天授特與金

風戰肅殺忽憶西山半月前夜雨聯牀卧僧利雪泥

鴻爪不可尋利鎖名韁太相軋世態猶將白眼看禪

心未被緇塵壓製成金韜膝可償咬斷菜根齒先齷

不知許事食蛤蚶莫管比鄰鬧鶯鶯折花起舞插滿

頭銀燭搖光電雪雲

趙君復大令以家藏倦圃老人手錄絳雲樓書
目一冊見示爲題三絕於後

大典修成永樂年琅環再闢絳雲邊澄心一炬灰如
雪尙在恒河浩劫前

文正文清兩相國丹函綠帙重璠璣湘東三萬縹籥
外猶有人間未見書

雜集
尤多

君復云劉文清公家藏天一閣
書目與絳雲互有異同而絳雲

書局裙簪集洞庭藜光夜照杖頭青一櫺化比通神

畫留得空山蕙草馨

余家有傳是
樓書目一冊

邃懷堂詩集

前編卷二

三五

大雪復用坡翁九日黃樓韻示王蘭圃先生葉
端齋同年李楣生王鷺客陸銘軒毅庵諸君

團雪散雪不可說連日白戰令遲發豈知昨夜灑瓊
糞鶴踏松梢足嫌滑捲簾捉絮黏裘衿掃徑尋梅濕
氈韞八叉冰柱猶未吟一斗桑筍急須呷山尖微露
見馬耳菜甲添肥鬪鴉鋪啄簷飢雀空啁啾入地遺
蝗盡誅殺洪鑪百萬煮鹽海梵界三千構銀利玉樓
人倚眩縞素繡轂泥翻響呖軋天公搓綿太游戲如
掌如拳勢將壓呼奴活火煎銅鑪欲漱仙漿齒防齧

相如酒肆擁驢驢李愬軍聲亂鶯鳴我夢扁舟鼓櫂
歸遊徧西湖復茗雪

題畢雪蓉同年種荷圖兼以寄懷

旅食京華說餅工征衫未浣軟塵紅布帆飛鷁三篙
水蓆帽騎牛一笛風舊夢心情都覆鹿新圖爪跡認
飛鴻一年小別秋聲館蝦菜光陰瑣屑中
勲業尙書第一流烏衣子弟佩吳鉤蟲魚不入英雄
記翰墨須登海嶽樓煮笋清貧饒太守種瓜感慨故
諸侯東臯預關花農墅霜後新蔬短鋤收

邃懷堂詩集

前編卷三

三

料得澆書夜侑觴庾園春韭剪新黃禪心定後荷絲
斷世味諳時菜甲香賤到冰壺高士傳叅來玉版贊
公房腹中空洞原無物猶恐他年踏萬羊
空賦黃花似散金蹉跎霜鬢壓犀簪濟時才大官嫌
冷作客愁多酒怕深三泖家園連滬壘中州樂府帶
秦音食單檢點無餘物孤負生平畫粥心

邃懷堂詩集前編卷四

寶山 袁翼 穀廉

踰歲謠

梁楷縱橫地衣貼鞞聲磔磔鞞聲碎東西南北出門
時盡似今朝元日吉豐跌珠纒不動塵酪酥融入椒
花春下階踰歲醉無力珊瑚髣髴蹂躪趙李家金
張第紅絲牽繫踏歌臂砮然走裂冰莎砌君不見太
行蜀道非艱難人心平地生高山

候潮隄上散步

邃懷堂詩集前編卷四

一

高春日影出扶桑一尺潮痕界石梁蟻陣團兵俘小
豸蠶衙移蜜餉新王野航窗小人登簪破寺門開佛
負牆極目鄉關搖落意歸來遊子九迴腸

到家

江南黑霜隕燕南芳草摧開箱檢寒衣慈母綫已灰
見星秣我馬雙輪如奔雷行行望桑梓惻惻腸掀厖
長跪靈床前告兒今歸來兒言母不聞母聞心轉哀
上堂拜阿耶耶淚落縷縷風塵憫兒瘦偃僂親扶兒
問兒歸途沈述母沈疴時每飯不忘汝每寢夢汝歸

孤燈照寒褥一息聞喘絲汝婦擁姑背汝子捧盥匱
舉目忽微軫撒手驂雲螭含淚聽耶語聖室生悲颺
小人已無母天涯猶未知長安盛裙屐拉飲方淋漓
堂堂逝愛日駒隙難重追哀毀吾何敢椿樹繁喬枝
吾父漢經師授徒客異邑艱辛十餘口家計徒壁立
吾母髻隕然宵春與晨汲九嫵或告貸釵釧罄奩篋
糠燈閃寒燄龜手縫袴褶軋軋機杼聲漏盡未停織
三弟督夜課伊唔坐其側積勞致百病胃腕氣常塞
中饋四十年鬱鬱少愉色春暉一朝冷養志嗟何及
遼懷堂詩集

前編卷四

二

愧此反哺烏樹杪繞三匝

王母八十六事佛體康健口誦金剛經奚止三萬遍
旃檀鏤化人繡幢障吳絹吾母受姑教布施報夙願
焚香侍姑坐貝葉互披卷溘焉早西逝老淚抆如霰
扶杖視斂含數旬減餐飯稽首懺空王冀將冥福薦
聞孫自遠歸欲語氣先燕長跪問起居荷荷捧孫面
謂孫勿遠遊鄉曲可耕硯汝父已白頭虛名復何戀
東坡贈穎濱兄弟結世世流離坎珂中夢寐常相繫
文章與氣節植自倫常地每一展卷吟潛焉欲出涕

吾家世簪纓遷婁忽陵替兩葉沉單傳及我多同氣
富貴本天定書香在人繼勿因鉛刀鈍因之廢磨礪
鉛刀能一割于鏤共爭利阿兄漸衰老努力望羣季
歸囊無別贈此卽千金意
結髮二十載貧賤百事難子職婦能代雖愧心暫安
左家有嬌女聰慧誇若蘭壺史已成誦更讀三百篇
珍擊掌上珠共命還同肝紀歲在甲申我自京邸還
阿瑛年十三短折傷啼鵲吾婦撫靈櫬百沸腸熬煎
涔涔患頭眩瘦骨支噴哂今年執姑喪摒擋心力殫
遂懷堂詩集
前編卷四
三
入幃慘縞素未語先含酸語亦不能盡仰屋惟長歎

烏鎮

菱蕩牽繩漿攀開叢杉葉落見樓臺勞人恐被青山
笑一月之中四度來
杭城寓樓望湖上諸山
檣船武林驛驟雨若噴瀑呼童負囊橐亟僦三間屋
簷溜碎芭蕉燈影掠蝙蝠支牀倒頭睡夢落孤山麓
有人揮手招疑是林君復曉窺破簾縫隔岸嶺重複
豁然拓窗榻衆山都在目翻喜昨宵雨玉女新膏沐

偶於無人處含睇送眉絲雲光雜嵐氣攬之欲盈掬
西子湖濛濛黃妃塔轟轟微聞鐘磬聲隨風出天竺
闌駢闐塵肆輿販厭盱矚豈知樓上人坐享清淨福
吟成五字詩先付山靈讀來朝蠟雙展湖上擬信宿

湖上雜興

喚得茅家埠口船傾城士女進香天一峰靈鷲飛來
後又管人間未了緣

夜闌竹斷與絲零四角羊燈照翠屏應是當年蘇小

小再生仍愛住西冷

邃懷堂詩集

前編卷四

四

湖心隔斷孤山孤郎住外湖妾裏湖三月清明岳墳
上相逢同買上河圖

水斷連橋路又通數株楊柳竹扉東渡江越酒今年
賤醉倒六橋煙雨中

題醒瓢鍊師夢鶴圖

道人放鶴三千年夢騎鶴背遊赤天夢中鶴卽畫中
鶴精氣雖失神獨全譬諸元珠在方寸嬰兒姪女非

真鉛東湖月上潮未落子晉吹笙枕流閣

鍊師臨湖築室額曰

枕流閣

虎書鳳璽秘不傳爐火青回大還藥前生想是

丁令威懶作頑仙願作鶴三彭斬後無白髭胎仙爲
君銜紫芝紙驢竹龍本遊戲是鶴非鶴辯者癡豈惟
鶴不辯眞僞我且忘我君爲誰雛童夜詠霓裳曲劉
徹可憐骨猶俗不如日日醉中山笑指麻姑鬢絲禿
吾言未已蓬島聞窗外飛來兩黃鸝

大雪寒甚雲蟾鍊師招飲長生閣醉書五絕於

壁

冰花灑徧玉牕櫺風力尖寒酒力醒坐伴東華佳弟
子一燈紅地讀黃庭

邃懷堂詩集

前編卷四

五

金鎖玲瓏禹步殊紫清壇上掃花奴綠筋手篆肌如
雪記得前生甲子無

欲持阿母四鍾酒去換瀛洲九斛塵絳帕蒙頭眞可
笑旁門亦有種芝人

導引何妨骨似綿天風鈴韻夜鏘然羽君出世心猶
苦曾喫黃連五十年

絳雪元霜欲贈誰丹經書破石榴皮曹唐自分無仙
骨祇替仙家作艷詩

元旦同姚石農虎臣章寶笙陸一帆徐菊齋渡

錢塘江

鳳山門外木蘭橈吳越江分帶一條夢裏忽驚增馬
齒醉中狂欲射鯨潮攜鑪炙硯書春帖打鼓開船度
歲朝卻憶當年老通守錢塘萬炬可憐宵

泊七里瀧

我愛無風七十里紆迴常傍釣臺前

七里瀧諺云有風七里無風七

十里江山此地真千古姊妹同年聚一船樵路入雲巖
腹暝灘聲奔瀑石鱗圓天寒欲雪羊裘敝起酌蒲萄
獨扣舷

遂懷堂詩集

前編卷四

六

龍遊縣

彈丸姑蔑國形勢扼三衢虎渡水清淺龍遊人有無
西山仙棗熟東武女樓孤惆悵深源宅千秋蔓草蕪
大雪玉山道中

老樹欲枯猶未枯醜石僵立相撐扶天公玉戲張綃

幘滕六執轡爲前驅籃輿軋軋鼻而趨前軒後輕虎

負嶠

過嶺肩輿俗名爬山虎

羊腸一徑堆瓊酥目眩不辨路有

無松梢墨點三兩烏遠寺但見雙浮圖玉樓起粟冰
在鬚風翦剝我重裘膚道旁越女猶當壚殷勤一斗

手自剝瓦瓶殘，漚醅役夫投。醪私意良區，區坡陀高。
低互相踰大千世界藏，玉壺仰餐沆瀣如醍醐。俯蹴
萬斛驪龍珠，此情此景難描摹。不畱佳句嘲詩逋，微
茫晷影時已哺。鉤輅格磔啼鷓鴣，玉山喚吏來招呼。
悄然回首瞻長途，鴻泥爪跡多模糊。

稼軒遺址

可惜朝廷小，還思用趙人。中原成絕域，江右託羈身。
經畧追韓岳，歌詞壓柳秦。西湖花月夜，東望一沾巾。

象山

邃懷堂詩集

前編卷四

七

低首鷺湖者，朱門亦有人。如何道學傳，偏著異同論。
橫浦初分派，姚江後積薪。松花落如雨，石室緬音塵。
朝發射洪

灘外與灘前，人家櫛齒連。箏車澆夜月，茶市聚春煙。

古社番君像，新腔弋女絃。湖頭

船名

朱漆檻，應是豫章

船

登滕王閣

峭帆風送到江干，帝子雲山閣上看。八斗才多重作
賦，指陳 千秋我尙一憑闌。落霞孤鶩精靈語，畫棟珠

簾刦火寒酒榼莫嘲傾倒盡澆胸真有渴龍蟠

張家渡 有文信國公故居

虞淵日挽魯戈時
獐婦猺酋起義師
半壁殘山無塊土
一軍航海有孤兒
灘聲鳴咽聞歌妓
鳥影倉皇避將旗
獨立西風人喚渡
廬陵何處大忠祠

過十八灘

離灘尙十里先聲
懾人魄眾客有戒心
其氣已辟易
一灘石盡伏波底
轟如戟一灘石盡昂
波面插如笏
一灘水更惡下有鮫
鱷窟噴珠碎玉中
水石互相齧
邃懷堂詩集

前編卷四

八

雷霆走昏曉
魑魅嘯沙磧
遲速偶失勢
人舟一齊磔
天公設此險
毋乃阻行客
兀然大王公
笑謂客無嚇
十八灘篙師稱爲大王公必僱以持舵乃敢前進

篙影亂曲直
人語帶驚悸
硌硌山蛻骨
濛濛霧蒸氣
大石蹲老羆
攫拏欲伸臂
行舟如用兵
佯迎實隱避
入險復出險
性命一絲寄
今宵宿萬安
滅燭枕篷睡

抵贛城

掎角衝牙地
金墉百雉堅
七閩通市舶
五嶺界蠻天

章貢渾流合崆峒落日圓虔州題八景憔悴說南遷
長汀蒼澗水千里下東關架石人栖穴梯雲郭抱山
猿公探牒去木客挈壺還二月如初夏羣花滿樹閒
味餘度大庾嶺來非去恨何窮非其詩三十六五對
臺關萬仞插雲根直上天閭手可捫黃屋百齡開七
郡青山一髮眺中原梅花應識降王梃榕樹仍圍佛
祖門附葛攀蘿凌絕頂南來身似作獼猿

滇陽峽

滇江迅如箭兩崖忽排拶牯牛踞中流力以萬鈞遏

邃懷堂詩集

前編卷四

九

因之水激磯蛟蜃助瀆沫陰雷洞中吼白日石上割
仰睇絕壁巔萬古綠油潑造物忌平庸意在束空闊
盤渦折圓螺其下磴巖巖須臾月東升微光逗松栝
飛仙迹難畱風飄一聲咄

月夜自三水回廣州口占

利鎖名韁客南來北去舟可憐花月夜三十六江樓

同周花農金來白章寶笙高敏庵姚虎臣周荔

亭徐菊齋遊七星巖

袖中我本有東海方寸須彌屹然在平生山水中癡

猶急欲往遊不能待嶺南梅開十月前東皇隔歲來
招延遠山窈窕掃眉嫵船唇窺客姿爭妍桃榔陰滿
瀝湖浹北斗森森七星峙公餘賓從鼓遊興前者喁
于後者伫蒼然怪石生甲鱗洞口桃花猶笑秦白雲
出入亂招手但見笠影欹紛紛當年太白竊星去眞
宰窮搜不知處天雞驚墮聲如雷星閃光芒石不語
我疑身挾罡風來淩虛直上嵩高臺琉璃宮闕隔塵
界當頭一罅神斤開百靈上壽捧瑤草天帝微醉揮
玉杯乳竇幻作百千相混沌未鑿先胚胎忽聞鈞天

遠懷堂詩集

前編卷四

十

奏鐘鼓絕壑萬派波縈迴龕燈佛火變黝黑洞內冥
冥吹劫灰巖凹路轉腳無力安得腰間便生翼玲瓏
已換鎖子骨足趾外垂二分立一峯回首狻猊蹲一
峯俯伏同兒孫一峰中斷貫鐵索水簾細密珠花噴
神州洞天三十六此巖地肺穿雲根白榆倒種手可
捫煮石欲把瑤光吞須臾聯袂下平麓黏壁蝸行往
而復寺僧珍重餉客茶樸炭新煎雨前綠韓蘇文字
照海內碑蝕莓苔口難讀何須更上朝漢臺至此已
窮千里目歸來一笑翠滿襟山靈償我看山福

羊城試院中登魁星閣

負海包山萬雉墉，雕甍繡闥隱重重。白雲親舍何曾

遠，北望天南第一峰。

西齋偶成

校書如掃葉，紛糾眼刮金。鏗敢自誇三日瘴，風簾不
捲牆頭落盡刺桐花。

題金來白海上抱琴圖

鄭生年少抱琴去，猿女今無雲。驪孃昨夜老榕根下，
臥夢中一曲舞山香。

遂懷堂詩集

前編卷四

十一

藥洲夜坐

小雨收殘暑，仙湖水尚溫。藥傳方士秘，石號丈人尊。
已卻招風扇，還移就月樽。泛舟多少客，空有姓名存。
思食荔支用坡公四月十一日初食荔支韻

聞人說荔先，胡盧十年夢想饞。喉枯我身尙未度嶺，
嶠尻輪意馬如前驅。輕黃二月綴微雪，東風悄悄吹
羅襦。荔娘十八正嬌小，茜紗肯露冰肌膚。若將羣果
比優劣，譬如村嫗隨閨姝。天公遲遲弄狡獪，市頭擔
買今猶無空山尤物不輕出，珊珊安得逢城隅。望梅

止渴意太急得梨蒸食心防麓藍田萬杵搗瓊液紅
雲十里懸潁珠海山仙人倘攜賜他時換骨癯能腴
新州異品甲全粵對客莫更誇莼鱸相思一笑頌口
腹君謨之譜香山圖

舟中遣興同花農次坡公韻

一葉虛舟小洞房行廚艇子送肴忙蠻雲披徧山頭
絮蟹女歌殘陌上桑靜聽聽灘聲如急雨偶聞瘴氣有
奇香美君詩格瀏灑甚絕勝公孫舞劍娘

自羅定將抵連州和花農韻

邃懷堂詩集

前編卷四

三

輕橈發瀧水微雨濕征裳日抱峯腰赤沙鏡岸腳黃
蘭因詩裏契花事客中忘四月深山夜先啼絡緯娘
舟中立夏日示章寶笙同年

吹到炎風十里潭嵐光潑墨水拖藍鄉音有客同吳
下春夢無聲別嶺南茉莉香薰新苾袷櫻桃紅入小
筠籃木魚歌裏漁郎飯祭竈今朝餉麥蠶

雨中過峽山飛來寺

昨登飛來峰今過飛來寺東西六千里足迹半年至
擘開中宿峽二禺大神智風雨移琳宮道場建初地

何不復飛回老僧空說偈迴巒束江湍江湍怒愈恣
舳艫盡簸軒林麓轉蒙翳微聞噴唄聲杳杳出雲際
雨師洗行塵五日未開霽寂寥遠公房禪榻不暇憩
羨彼猿女慧彈指悟三世玉環獻高座松門已長閉
坡翁南遷時來此振法嗣忠心動蠻徼詩思割蒼翠
嗟余鈍根深清景失交臂安得西湖中復移此寺去
靜極理當動了彼眞實義

清遠舟中談惠州風物之美卽用文忠公韻同

花農寶笈

邃懷堂詩集

前編卷四

五

一生管領西湖水故老猶談玉局仙海外雲歸孤鶴
老峰頭日暖百花然晶魚入網纜三寸藤菜調羹抵
萬錢記取重陽春色醖六篷艇子過龍川

春色惠州酒名

黃子未以二圖索題次韻

一腔塊壘未消融欲乞青囊藥石攻春草池塘吟伯
仲離騷爾雅註魚蟲

令兄霽青先生時守潮州

漁歌新譜鴛鴦權

小艇斜飛蝴蝶篷卻笑稽含空博物金丹未識在壺

中百藥山

房圖

綠蓑影裏一溪煙紫鱗黃柑八月天莫把香鉤觸珊瑚

網盡搜蠻語入吟箋
答箸笠澤叢殘譜
金粉湘橋汗漫緣
滄海北迴七千里
我家門有捕魚釜

湘橋釣師圖

南越武王墓

南越武王墓碑不見碑年數久矣

朔風倒捲天井岡
金蠶玉鳧騰寶光
窮碑踏地字磨滅
牧豎猶知南越王
沙邱當日祖龍死
縣令詐言盜兵起
桂林象郡盡擊并
閩長駱侯相角犄
封眞王萬里羈縻受符璽
欲將文教化椎紒
牛女衣冠氣先紫
長沙流言邊
豐開調兵羽檄三關催
夜郎自大竊帝號
不須朝漢登巍臺
詔求使者諭荒服
兩

邊懷堂詩集

前編卷四

十四

度星軺大夫陸昧死謹上皇帝書
世守藩臣奉正朔
餅金絜絜壓歸裝
銅鼓淵淵奏蠻樂
西京重見貢明犀
南海依然擁黃屋
版圖百粵齡期頤
風雲變化眞男兒
金甌四世忽破碎
邯鄲妖后爲龍齏
甘泉已發校尉卒
下瀨飛渡樓船師
滇陽城圯長荆棘
越華館廢啼狐狸
我來予子斜陽暮
紅雨飄殘木棉樹
艷說花田葬素馨
無人酌酒龍天墓
君不見牧羊遣火燒魚燈
赤眉夜扣隆準陵
蠻夷大長一坏土
猶有靈風

來式憑

南越武王墓碑不見碑年數久矣

合竹灘

灘頭夜夜風和雨石作冰人石能語剖竹眞如破鏡
完鴛鴦牒上樵兒女癡情訴天天亦驚日月爲誓雷
爲盟手攜犀塵跨龍背踏波起向空中行老嫗無言
翁錯愕雙星笑指銀河鵲揚盡人間東海塵郎水孃
湖終不涸

泛舟西湖

東江北注玉灘前恰傍江樓放畫船雙塔雲歸橋外
洞一亭人坐鏡中天萼羹久已輸藤菜柳色依然鎖
遂懷堂詩集

前編卷四

五

葑田莫怪先生春睡美暫留片刻亦前緣

朝雲墓

墓前舊碣爲文忠手書日久剝裂嘉慶六年
郡守汀州伊秉綬重爲立石并於墓旁築室
三楹置田數畝度僧一人居之
以奉香火今牆壁又半圯矣

玉骨伶俜掩綠苔六如亭傍梵王臺湖隄三月踏青
女多向朝雲墓上來

夢繞錢塘東復東慧心皈佛萬緣空藥爐經卷同時
殉紹聖三年七月中

白鶴峰敬懷蘇文忠公三十二韻

莫問熙豐事當年事可悲循州安置日紹聖改元時
黨錮中朝急聲名五管知遺民相慰勞幼子獨追隨
巾漉浮春釀囊傾買地貲百夫勤畚鍤廿架覆茅茨
鶴觀開新址龍巖枕遠陴叩門啄木鳥隔屋讀書兒
柳外林婆宅松間道士碁心花潑茶瓊體疥浴湯池
簞展西齋月襟延北戶颺三生談老夢先生謫居南海時夢至眉
天貽埋玉恨人起弄珠疑瘴海催飛鷁黎嶠遣禦魑
不容官舍住那有俸錢支種菜斜斜叮編藤短短籬

邃懷堂詩集

前編卷四

六

時裁同叔簡對酌老苻卮葦撥苗初識桃榔杖屢持
虞翻蠅欲弔賈誼鵬來窺玉局重提舉鈞天不愁遺
麟經同絕筆蝎命返騎箕先生行至常州夢中作詩寄朱行中蓋南遷絕筆

昔倚蘭陵棹曾題薛壁詞蘇園祝生日惠郡拜遺祠

禮教漸蠻獠馨香奉島夷前身六祖佛此地五經師

手版原疎癩腰金悉布施新橋殘漲急聖塔夕陽遲

羞豆烹櫻筍加籩薦荔枝紫伽雕笠屐南海人以伽南香雕東坡

像笠屐絳節駐峨嵎閬寂栖禪寺荒涼幼婦碑千秋悲

弔客搔首鬢如絲

嘉祐寺

山僧不識章丞相寺內畱公任半年夜市逍遙頭似
雪春婆富貴夢如煙芋魁菜甲齋廚饌流水行雲翰
墨禪曾照玉堂香案吏松風亭上月嬋娟

藍關

瘴江東去亂山橫一綫天梯百里程父老爭來迎刺

史神仙不敢度先生回頭烏道攀雲近撲面茶花落

雪輕下馬祠前人再拜夕陽催起梵鐘聲

藍關在陝西藍田縣

卽古之曉關後人因韓湘詩云云遂以此當之按公文集公兩謫南方皆由藍關又皆遇雪其謫陽山以

邊懷堂詩集

前編卷四

七

十二月有雪中寄三學士詩其謫潮陽雖以正月亦遇雪也

遊韓巖洞呈辛葦學使師

舊聞韓巖洞不知始何名昌黎曾來此嗟未攜圖經
況我空腹子而欲窮真形是時日亭午黝谷猶冥暝
長刀絕竹纜百人持炬行齊聲一呼喝衆竅奔雷霆
謂有巨蟒伏使之走且斲謂有積尸氣以火先熏烝
前者鉤以足後者援其肱蝸牛貼苔磴負殼盤旋升
懸龕廣五畝覆釜窮三層驢車化蠅粟攝入徑寸瓶
石蘊逗微暑漆室生光明碧痕鑿毫髮惶惑萬怪呈

渾沌未開闢造化遺六丁神斤與鬼削億劫始斲成
或如密須鼓或如女媧笙或如文命鼎或如伊耆銅
或如丈夫立首垂曼胡纓或如美人笑背倚琉璃屏
或如白石郎對弈文犀杵或如釋迦佛蓮座雙趺橫
或如仙官吏劍佩朝太清金牀列銀甕玉几羅瑤罍
丹竈有餘砂箭鏃光瑩晶瓊漿滴乳竇肉芝蟠絳莖
熊虎攫鈿爪鸞鳳壽修翎上有朽株挂其木爲冥靈
真人駕風馭天瓢取空青彷彿見雲篆當年誰所銘
乃知搏土時萬象畱模型後來一一合譬諸影隨燈

邃懷堂詩集

前編卷四

支

忽聞九地底鐘鼓奏鏗鎗疑藏八陣圖神呪驅陰兵
葉榆水迸出疾瀉高屋瓴回瞻來時路羊腸盈窪坑
膽寒膚起粟便欲相扶撐眾客亂招手挽篙若緣繩
舟子百餘人持篙挽行內有石鐘石鼓懸於空際以篙擊之聲聞數里
我獨一躍過自誇腰腳輕老卒謂莫誇惜君駐半程其下有洞府煙
霞鎖松扃蛇行六七里漸聞雞犬聲桑贖隴頭熟桃
李牆根榮邨落千餘家耆壽皆聃彭元末嶺南亂絕
壑來逃生旣與塵世隔不知何王正子孫世婚媾無
異姜與嬴昔有牧羊兒失足顛枯藤數人掖之起飲

以美酒醒醒時問何地云是梧州城此言良非妄吾
意殊怛怛仙源失咫尺安得尋雲英此詩泐巖壁留
待洪厓賡勿爲韓公見下士寒蟲鳴

緜邇陽春船與夫火燼燄空改玉甑十里珠玑未
綠水邨猶繞青山畫不如獠娘收藥草鬼妾飼花豬
兩姓聯婚牒千金蓄蠱書嚼殘縮砂蜜香氣吐徐徐
鱗介原同窟團圞寄一舟見人形瑟縮問姓語鉤輶
深目瞳凝漆披髻髮道油郵生今不見赤雅試披搜

宿化州署中追輓黃西園刺史

邃懷堂詩集

前編卷四

九

蘇澤堂前橘春風綴雪珠殘詩黏白壁舊雨悵黃墟
宦久書盈橐官清玉在壺石龍岡百尺墮淚有碑無
電白道中

黃風赤日走牛羊莽莽平原古戰場雙足銀鑲泥沒
骭女兒猶作洗家粧
臙脂狼籍逐輿夫火織撐空灼玉膚十里紅樓珠海
上有人春醉侍兒扶

溫泉寺浴湯池

山頭萬古草木童白氣出釜蒸燼燼陰陽爲炭鼓坤

橐燭龍掉尾騎祝融炎陬湯池七十二石硫黃髓洪
鑪烘高涼第一世無比巖罅因有冰泉通南行六月
未徂暑汗漿揮雨泥黏躬山僧邀我憇精舍滿階杉
檜生微風爲言亭下有涵室一道沸液噴泉噴左涼
右熱自調劑開竇閉竇雙石硤我如轍鮒久思水解
衣高挂孫枝桐瑤盆躍入弄拍拍閃爍驚見遊魚紅
充饑定燂雞子熟蠲疥更療木瓜癢祖龍急湔神女
唾妃子初試華清宮浴罷招涼坐松閣對面懸瀑珍
珠櫳垢流屈曲瀉牆外匯成巨窟深甃籠輿夫馬卒

遠懷堂詩集

前編卷四

三

裸相戲法筵無礙空王空出山頓喜腰腳健肌體護
喝單紗幪此泉普救衆生苦數里分過干筠筒貴人
一笑安用此香湯待浴蘭房中
六高合浦對林許益顯入義許許因製諸聖
青山巒巒水鱗鱗渲出江南一段春聞道珍珠今又
徙沙邊猶有采珠人
木掛旌忠廟祀寇萊公
獨有乖崖老能知天下才六軍孤注險萬里逐臣來
池上星猶隕牆陰竹遍栽廟中今報賽蠟淚又成堆

徐聞海口辛葦師禱風伏波將軍祠敬紀一律
功德留南徼千秋兩伏波潮聲奔霹靂雲氣擁鋌戈
雞卜神光照牲祈血食多相風烏尾轉纜已解牂牁
牂牁繫船杙也
粵人因以名江

渡海

真疑此外無天地瘴海南流不復東一綫鍼通千里

路海中不辨南北舵師惟視鍼盤晝夜目不他瞬

半桅帆壓萬鈞風

是日風大順祇

帆

馬人市隱腥煙黑鼉背山開石壁紅童女童男

今立國思量徐福是英雄

邃懷堂詩集

前編卷四

三

自海口鎮至瓊州城肩輿中偶成

瓊管魚龍窟南來正仲春黃風吹颶母黑雨立楓人
藤榼檳榔貯金籠翡翠珍衣裳今綺縠何處見文身
窈酒開甌早紛攜椰子壺欖神當大道香市對西湖
占籍龍編戶撈池蚌孕珠青裾腳不韞花面小黎姑
珠崖試院示寶笈

二千餘里路漫漫太尉亭荒夕照殘荔浦珠江在何
處羊城今作故鄉看

雌雄蛤蚧上牆隈雨後都梁細藥開我已觀心空五

瘴捲簾不礙妙香來
瘴氣極香一月之間曾聞二三次不爲害也

楞伽峽水簾

韓文公題

巒山麓獷天亦嫌八萬月斧來雕鑿玲瓏搏埴石鍾
乳佛臂無數兜羅縣斲成靈窟鬼夜哭天帝駐蹕朝
羣仙洞中螺女守丹竈障以一桁珍珠簾象牀寶帳
悄無語月爲鉤兮雲爲奩玉塵細碾自滑滑雨花密
糝長纖織天孫銀漢浣白錦失手拋落兹山巔寒光
逼人肩起粟潭洞羊角風迴旋當年劉郎老刺史過
峽未敢畱詩篇我心已墮恐怖境挂帆急去休遲延

邃懷堂詩集

前編卷四

三

未龍湫

龍湫

劉累醢雌龍一雄走南甸蜿蜒山谷中日與雷霆戰
祝融用火攻化作懸崖練銀河九天落坤軸四維轉
有如白馬軍組甲光照炫深山不記候但見雪花濺
灌輸潤叢莽屈注滿阬塹東雲爪已藏西雲尾忽現
眞宰旣難收佛祖云何遣是龍卽是水造化理萬變
離湫將十里吼聲耳猶貫遙望翠微巔天神挂一綫

次同冠峽用韓文公韻

江山待題詠詩人來惜少退之兩經過長鳴如鳳鳥

雲濤擺雷碩仙境出霜曉連峽天下奇奇中復矯矯
畱我一瞬觀卅年夢應繞及我無身時此案乃可了
山洞水吞吐汨汨無昏朝白日不敢過因之寒氣饒
上有無名樹細蘂香雪飄下有鋸齒磯舂撞舟爲標
往來我如織秋色徒相撩鳥跡人六奇我
四過博羅不得遊羅浮詩以自嘲

丹臺玉室未有名安得蝴蝶先來迎神山咫尺不可
到耳根隱隱聞吹笙蓬萊夜半失左股忽與羅阜相
兼并一峰崛起六百丈洞底星斗排珠衡南樓坐待

邃懷堂詩集

前編卷四

三

天雞叫羲和挂出扶桑鉦病龍瘖虎各無恙稚川老
隸猶酣醒艤舟四次泊頭鎮泊頭鎮見東坡文集塵事牽挽匆

匆程腸肥腦滿仙所棄劉安況更狂而儅麻姑急救
布風雨松檜翻作波濤聲我今衰髮半垂白好遊尙
欲歌南行作詩懺悔寄青鳥絕人太甚非僊情不然
竊食無核棗鐵橋飛度窺朱明四山啁啾翠羽鳴縞
衣月下來傾城子元陶入倘哀憫便與摩頂偕長生
萬梅花下睡一覺消我塊磊胸中平

九曜石歌

石在羊城試院二堂之東偏僊湖中南漢劉
龔購自太湖靈璧浮海而至今湖據其八一
石遺畱藩署中前學使翁覃溪先生索之不
已方伯某謂索石雅事但何以處贈石者翁
無以應石遂不獲全石上款識題刻自宋迄
明共二十九種具詳蘇齋老人九曜石考

五丁夜鑿仇池脊玉筍生雲乳花滴淘波漉浪竅豁
衍中有劉家刦灰黑玩石吾如玩美人未賓虞舜欵
韶石因之日坐蓮湖傍嘯傲鶯晨與蒼夕石兄環列

遂懷堂詩集

前編卷四

十四

狀各殊牛李癡人舊相識老翁駘背秃螺髻力士鳶
肩岸烏幘一石自頂空至踵裂盡苔膚龜甲坼一石
坦腹臥松根龍伯猶畱手捫迹三石化爲醉道士爾
我相扶軟無骨穎叔摩挲海岳拜佳句親鐫妙波磔
不知何年遺一老疑是五丁暗中掉至今風雨聞石
言似訴良朋久遠隔蘇齋老人藺生氣力索彊秦歸
趙壁索石贈石皆雅事索者猶爲其理直碧玉強畱
武承嗣荊州竟據劉元德一拳聚散關氣數瓔珞芙
蓉等殘巒當年奇峰航海來舉國咨嗟竭民力昌華

妃子侍龍舸夜泛藥洲弄瑤笛醉倚嶽峯石丈人綠
苔點破弓鞬窄君王常宴荔雲紅士女爭誇天水碧
一朝繫組五仙門石上三生有魂魄覆轍可憐花石
網良嶽林泉共鳴咽南交自古多流寓天遣九僊伴
羈客會當重返曜眞天太乙蔽垣閃苾赤

題翁邃庵學使僊掌石新得米元章詩刻紀後

三絕南宮比鄭虔琳瑯顯晦亦前緣人間至寶天公
惜鬼守神呵八百年

研山流落在江淮此刻摩抄字字佳榻出玉蠶新繭

邃懷堂詩集

前編卷四

三

紙焚香手捧告蘇齋

熙甯遺老客羊城拜石題詩一段情鐵案紀年山骨
上要將年譜訂分明

憩風旛堂

一百七十年肉身菩薩至果然盧行者開演毗曇義
無鏡安有塵無障安有礙數珠不須轉白骨本相戲
一髮丈六身神光出舍利照此菩提壇葉葉皆法嗣
心動旛乃動非是風所致何況汝無心那得安心偈
石牀一宿覺還汝大智慧君親兩無著兒女恩愛繫

嗟哉鐵塔上猶鏃鄧娘字何如虞仲翔放逐居此寺
青蠅爲弔客生死針尖寄何如米南宮佛名書三世
至今洗硯池天龍尙護衛文人與佛祖氣孔出一鼻
儒門厭淡薄遂無立足地我來謁東山訶林逢密諦
於無立足處看我且伸臂次香黓露跡欲還天望

珠江

一失胡兒寶千年不可求人歸明月夜珠冷大江秋
派湖泮舸遠潮連渤澥浮崇墉環穗石孤島屹花洲
霸氣銷任趙星躔燭女牛荔園紅翦錦蒲澗綠成油

遂懷堂詩集

前編卷四

三

鏡憶當鑪對釵看擊鼓抽青鸞馳道改黃木釣磯甬
塵肆喧魚藻艚幢集虎頭萬家鱗瓦密重譯烏言稠
墜接濠梁近幢圍佛火幽璇臺鬼子館木筏蜚孃樓
菱簞珊瑚枕晶簾翡翠鉤舫篷編繡組絲菜薦銀甌
響屣雙環扣明璫一串投衣香濃霧結燈影衆星流
么鳳靈狸窟九姑三妹謳金多虛牝擲藝巧化工愁
人物僊壇選湖山畫稿收寥寥鴻爪迹兩載落蠻陬

遊海幢寺登藏經閣

北望白雲山西望石門巔東望波羅道南望素馨田

英雄盡老死金粉成灰煙乘風欲歸去浩浩江連天
樓閣赤城裏火雲燒木棉兩圍鷹爪蘭香烈如熬煎
云是郭園物根深不記年山僧留我飲夕陽催渡船
憑欄一長嘯驚醒驪龍眠

花田

昌華舊事忍重論耕出鸞釵半股存明月自涼孤客

影香風不散美人魂綠窗畫舫傳簫管白髮花奴長

子孫

沿湖花肆多係一姓

贏得人間別離淚南來北去濺金樽

陳厚甫先生招飲粵秀書院奉陪辛庵學使師

邃懷堂詩集

前編卷四

七

賦呈

宦海抽身賦遂初寓公五載穗城居瓊頭萬戶春常

買閣外千峰畫不如曲奏南飛招白鶴

生日有白鶴降書院中

夢隨北去話金魚楊枝挑葉垂垂老紅袖挑燈伴著

書

少微星引使星光豪醺今宵罄百觴鏡水已聞歸賀

監銅符重見屬王郎

令嗣處州太守

江山絕妙招公隱詩卷

分編恕我狂

以詩稿屬爲編次

度出金元新院本玉簫檀板

唱珠娘

鐵網駢羅七尺珊天荒眞欲破烏蠻

海南士子來白書院肄業

沙講席參朱陸紅豆經師仰斗山

惠仲孺先生視學粵東始以經學教

士後阮芸臺制軍及今學使師與先生復振之

詞館廿年前後輩文章一脈

盛衰閒安昌倘許彭宣侍卉服荷巾任往還

一樓眷屬住神仙供養還資問字錢人識放翁統扇

上我逢杜老飯山前午橋浴社休官日狍烏蠻花棗

筆年樽酒叨陪談笑末與公香火有因緣

詠物

韓木

邃懷堂詩集

前編卷四

三

孔楛周模雨露深金城橡木亦成林而今盡向占科

第齒冷昌黎笑不禁

龍鬚草

簾紋如玉貼冰膚夢拔瑤簪謁紫都丹鼎已傾湖水

澗空山春雨長龍鬚

貝多紗

白馬馱經萬里沙琵琶葉葉障蟬紗倩誰美女簪花

手細字蠶眠寫法華

畢鉢羅

天荒眞燈如魚燈書院南士子來白

數遍牟尼一串圓轉輪轉慧珠禪如何十八阿羅漢多結人閒繫臂緣

當年風味佐齋蔬一夜南菇產玉除今日請師收法力山僧祇要食花豬

白石嵯峨駐蹕臺翠華南幸幾時回箭韶樂器知多少豈是牛馱馬載來

女兒葛

遂懷堂詩集

前編卷四

无

幾許工夫織苦辛自憐不稱此腰身掌中一握如煙霧賣與薰香閒坐人

斷腸草

見入枝葉搖動若相招之狀

劍葉棱棱戾氣侵無風搖曳若難禁蠻方報復尋常事小草逢人起殺心

脈圭

但聞西洋有是器未之見也

寸關尺脈現浮遲扁鵲倉公術未奇安得黃金買千萬世閒到處贈庸醫

翠雀帶圓轉轉轉慧將輒成何十八阿羅

憐渠僊骨本珊珊一入樊籠未放還金母阿環都老
死青衣流落在人間

素馨花

水色山光滿畫船花田日日鬪娉婷劉郎作事都顛
倒未必當年愛素馨

羅浮萬壽藤

風雨中舍太古秋山僧持贈九花蚪憐予未老先思
杖五嶽他年待此遊

龍川舟中四十生朝自述

遂懷堂詩集

前編卷四

三

不向安期覓棗瓜難從勾漏訪丹砂家貧常作離鄉
草病久真如沒骨花學海眼迷三里霧恆河身寄一
毫沙巾中白髮添多少四十年來事事差

南食詩

蜜漬荔枝

蜜奴顆顆色香兼嘗罷還將橄欖拈始識人生穠豔
福不須享到十分甜

鷓鴣羹

錦翼斑胸向日飛黏竿一霎入危機悽然不覺停雙

箸昨夜花前勸客歸

桃椰麪

綠花紫穗萬絲柔一斛珠塵勝雪斲我已盡消豪士
氣不勞纖手製人頭

椰子酒

纍纍瓢懸碧玉柯銀刀剖出酒盈螺天公原要人常
醉心太分明事漸多

花農贈余蝴蝶繭一枚攜至瀧江試院中一夕
裂繭而生大逾七寸五色璀璨不可名狀偶

邃懷堂詩集

前編卷四

三

出卽還還輒抱其舊蛻三日後不復至相傳
以爲歸羅浮云

一點靈機羽化僊乘風歸去鐵橋邊暗香疎影梅花
院今夜三更抱月眠

珠江樂府

風俗屢變勝蹟時湮日見耳聞觸事成詠可
補志乘之闕可消逆旅之愁體雖異於竹枝
義不離乎諷誡槩名之曰珠江樂府云

銅像淚

銅像不成匠人死銅像成時淚如水願王壽考如銅
僊媚豬不老借千年稻田浮來潘美至銅人有淚王
無淚吁嗟生劉鋹不及死銅像銅像巍然坐夕陽劉
郎去作降王長

木魚歌十姊妹

不願同日同時生祇願同日同時嫁
縑盟鈿誓星辰前竝枕
喁喁語深夜黃姑七夕催渡橋守宮點臂猩
痕嬌姊妹恩深壻恩淺窮袴不解芙蓉條檀郎巧合
氤氳玉媚蝶神迷夢雙宿姊妹恩淺壻恩深雷電繞
遂懷堂詩集

前編卷四

三

身月入腹春光洩漏姊妹嗔申申來詈寒盟人犀漿
一勺不蠲忿豈蔻胎裂珠成塵吁嗟乎地老天荒萬
年久此事人間眞罕有

木魚歌

木魚歌裏木棉紅木棉絮打蝴蝶篷柔絲宛轉繫羆
寄蠻郎莫放金樽空兒家門對程鄉郭日日兒舟阻
灘腳窗後有蒲萄窗中有絃索山重水復莫思家故
鄉不及異鄉樂鱈魚風捲一丈潮送郎直到湘子橋

賽金花

茉莉穿絲架樓閣萬斛龍涎霧噴薄珠袍玉帶堆如
山夫人縹緲來雲閒倚天照海皆紅袖粉面於菟眉
彩秀抱上蓮花七寶臺一一夫人賜福壽別有嬌娥
暗祈禱羅襦親把泥孩抱歸來含笑背銀燈今夜星
精降瑤島

秀才田

舉秀才不知書秀才無田食有餘夫作秀才婦作僕
百里擔簷繭雙足秀才今年舉孝廉秀才無田今有
田宗祠合食踞上座妯娌避面慚無顏嗟哉巾櫛重
遂懷堂詩集

前編卷四

三

科第羅隱方干盡流涕

灼雞骨

簫管哀吟動魂魄繡幢不捲鑪煙直章丹陳珠竝傾
國綵袂迴風鑱子骨綠章夜奏青霞宅爆牲雞卜酌
瓊液神來神去在俄刻銅鼓聲停釵腳折小巫改粧
頰微赤月地雲階悄無迹碧城十二洞房深青鳥傳
書有雙翼

搜山吏

官吏搜山不搜虎盡把山中麋鹿捕麋鹿走向山神

訴山神闔者醉而怒確田年年種薯蕷私債官租兩
難顧不如結筏撈魚鰕饑來且逐水仙去山無麋鹿
可奈何吏報使君虎渡河

梳頭婆

十二教崑腔十三教吳語十四教琵琶十五作老舉
明眸皓齒喚阿婆管領霓裳羽衣部星娥暫向紅塵
謫暮雨朝雲姓名易迷離花影不分明郎有黃金妾
有色吁嗟乎孤老莫采沙面珠饑女莫拜管大夫

三生面

邃懷堂詩集

前編卷四

十四

媒妁通詞致繾綣珠女珠郎先識面踏歌跳月獐獠
風此意餽羊延一綫穿廊越榭揚眸看郎認羅裙妾
認冠目成心許翁媪喜百年天合雙鴛鴦香煙燭燄
薰神座道士錢多獻官府

采茶歌

珠兒傅粉顏如花雙趺束作春筍芽翠翹金雀盤宮
鴉手攜筠籃歌采茶十步一臺五步閣金錢擲滿潘
郎車茶花開遍西樵麓雨後雨前不盈掬大姊采多
妹采少采得茶歸蠶上簇官茶未了茶葉羸官吏打

門催茶租葛巾繡出采茶女城中去換青銅缺窄襟
小袖調鸚鵡綺席誰家召歌舞纏頭價勝十擔茶茅
屋茶娘淚如雨

鬼子街

櫃輿竹扇鬼侍郎碧琉璃眼踈鬚黃黑者爲奴白者
主十三海國皆通商鬼婆握算工書記鬼兒盡解漢
文字奇技異物安足珍坐令中域銀山棄剝骨剔髓
不用刀請君夜吸相思膏

開香門

邃懷堂詩集

前編卷四

三

邨祠疊鼓迎香神女兒盥手開香門香農衣食託香
國但祈香樹多生根年年買香充香貢可憐香樹無
人種官不愛香愛香錢錢多別購驪龍涎打鼓退衙
品香譜那識山中香戶苦

歸自海南坐西齋中

兩月纔將粉箚捐桃花又放數枝妍夢回燕子襟前
兩身帶鯨魚背上煙心迹漸成枯樹賦詩情恐墮美
人禪故鄉無此湖山好怎奈思歸便惘然

辛庵學使師按試瓊州聞海忠介公後人充總

戎標下騶卒乃諭使應試置諸武庠忠介以
猶子爲嗣此其後也先是新會陳生者白沙
先生之後增城湛生者甘泉先生之後皆拔
置優等俾食廩餼多士獻詩頌德予乃續呈
此篇竝補前事

文成才氣橫太空瓣香低首白沙翁甘泉繼起稱入
室一掃門戶南禪宗二公緒言墮煙莽誰爲嶺徼開
愚蒙堯齋夜受長生籙主事神羊觸以角朱雲欲請
上方劍孟博竟拜皋陶獄如此孤峯峭壁人奏章贈

邃懷堂詩集

前編卷四

五

與椒山讀理學卽在忠孝中何必紛紛辯朱陸文衡
使者敦風節姓氏南邦徵舊德董相墳前下馬行鄭
公閭畔驅車式當年直聲動丹除祢孫窮餓爲騶呼
兩生伏處巖屋下鑿楹猶讀先人書回枯噓槁亦易
事激揚士氣非區區公心化雨春風裏公德渺漫香
浦水孤寒八百望崖州始識人心常不死

再過貞女峽次韓文公韻

亂山崛強相爭豪峽風驅浪如奔逃梯空擘窠勢千
尺石青字赤鐫雲濤魚環鶴馭在何處時見松花飛

乳毛

將去南雄州明日度嶺

嶺外三年飽荔支計程明日是歸期家書珍重鴻先
寄旅橐輕微馬亦知蘇壁榻殘昭諫字松蹊斜繞曲
江祠前塵了了猶能記十八灘頭夜雨時
獨宿繩牀酒易醒一燈低照夢痕青春隨客子歸鄉
國詩嚼煙霞出性靈壯歲功名成拾瀋長途蹤迹歎
浮萍扶桑花底珠娘曲未識何年得再聽

邃懷堂詩集

前編卷四

三

